

From: Unit Komunikasi Korporat
Sent: Wednesday, August 2, 2017 8:05 AM
To: UUM - All Staff; UUM - All Students
Subject: Acara-Acara Sosial PACIS 2017



Unit Komunikasi Korporat
CORPORATE COMMUNICATION UNIT
Universiti Utara Malaysia



02 OGOS 2017 / 09 ZULKAEDAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Pusat Pengajian Pengkomputeran

ACARA-ACARA SOSIAL PACIS 2017



UUM ONLINE: PACIS (Pacific Asia Conference on Information System) 2017 telah diadakan dari 16-20 Julai di Meritus Pelangi Beach Resort & Spa, Langkawi, di mana Pusat Pengajian Pengkomputeran (SOC) Universiti Utara Malaysia (UUM) diberi penghormatan menjadi tuan rumah kepada persidangan antarabangsa yang berprestij itu.

Di samping sesi formal seperti Konsortium Kedoktoran, Penyampaian Kertas Kerja dan Poster serta Bengkel, penganjur persidangan turut mengatur beberapa acara sosial di mana peserta dapat bertemu dengan peserta lain.

Majlis Makan Malam mengalu-alukan kedatangan peserta telah diadakan pada 17 Julai di pantai persendirian hotel berkenaan di mana peserta telah dikejutkan dengan Sesi Fotografi menggunakan *Drone* sebelum makan malam bermula.

Selain mengalu-alukan para peserta, Majlis Makan Malam itu dimeriahkan dengan beberapa hiburan seperti muzik *live* dan persembahan api.

Satu lagi acara sosial yang dijalankan ialah *Welcome Session* yang telah diadakan pada 18 Julai, di mana Dato' Seri Dr. Halim Shafie, Pengerusi Suruhanjaya Komunikasi dan Multimedia Malaysia (SKMM) menyampaikan ucapan utama dan merasmikan persidangan.

Makan Malam Gala Persidangan itu berlangsung di Grand Ballroom Meritus Pelangi Beach Resort & Spa, Langkawi dibuka dengan persembahan 'Gamelan' oleh Inderaloka Gamelan MRSM Langkawi.

Ia dihoskan oleh Dr. Amy Dolly, ahli profesional MyAIS dan dihadiri oleh VIP dari AIS (Association of Information System), MyAIS (Association of Information System – Malaysia Chapter), Delegasi Jepun (untuk PACIS 2018) dan Delegasi Korea (Untuk ICIS 2017), serta pengucap utama kedua, Prof. Dr. Alok Gupta, Associate Dean of Faculty and Research dan Curtis L. Carlson Schoolwide Chair in Information Management di Carlson School of Management.

Pelbagai menu istimewa tempatan disajikan kepada tetamu sempena 'Aidil Fitri' yang masih dirai dengan muzik gamelan sebagai hiburan latar belakang.

Presiden MyAIS, Prof. Dr. Rose Alinda Alias menyampaikan Laporan dan Ucapan Penghargaan, diikuti oleh Laporan Ringkasan Kertas Kerja oleh Prof. Shamsul Bahri Zakaria, Pengerusi Bersama program.

Prof. Dr. Rose Alinda Alias turut menyampaikan cenderahati dan cek bernilai \$1,000 Dollar Amerika kepada Prof. Matti Rossi sebagai sumbangan dari PACIS 2017 kepada AIS.

Anugerah Kertas Terbaik telah dibentangkan oleh Presiden AIS, Prof Matti Rossi. Sementara delegasi dari ICIS 2017 Korea, yang diketuai oleh Prof. Yong Jin Kim menjemput tetamu untuk menyertai ICIS 2017 di Seoul, Korea Selatan.

Penyampaian terakhir telah dijalankan oleh Prof. Kyoichi Kijima dari jawatankuasa PACIS 2018, yang turut menjemput semua pihak untuk mengambil bahagian dalam PACIS 2018 di Yokohama, Jepun.

Majlis Makan Malam Gala PACIS 2017 diakhiri dengan Persembahan Wayang Kulit oleh Kumpulan Wayang Kulit Warisan Seni.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood

as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.